

4
AD STUDIOSAM
ECCLESIASTICAM UTRIVSQUE CLERI
Juventutem

SERMO PARÆNETICUS

JOAN. JOSEPHI PAULOVIH LUCICH,

J. U. D. Canonici, & Pro-Vicarii generalis Dalmatæ
Macarensis Apostolici Busnensis Delegati, Regiæ
Sebethidos Arcadiæ Socii, & ejusdem Academiæ
per Dalmatiam Promotoris, & Vice-Custodis.

QUO SERAPHICUS DOCTOR

*Divus BONAVENTURA omnium virtutum, præcipue
verò Sapientiæ exemplar imitandus proponitur.*

EDITIO TERTIA

post priorem Veneram Anni MDCCC. apud Seba-
stianum Colerium, & alteram Neapolitanam
Anni MDCCC. ex Regali Arcadiæ
Typographia.



NEAPOLI MDCCCII.

Ex Typographica Regiæ Sebethidos Arcadiæ Officina.
superioribus annuuntibus.

Sanctus Bonaventura natione Italus, Patria Balneo-regiensis, Ordinis S. Francisci Minister Generalis, ac postea Albāensis Episcopus, & Cardinalis a Gregorio X. creatus, non in Feriis Pentecostes, & in Lugdunensi Concilio, ut multi scribunt, sed ante Concilium, & forte in quatuor temporibus Decembris Anni MCCLXXXIII. &c. Vir fuit sanctissimus, & doctissimus, & multa scripsit, quæ Romæ edita sunt jussu Sixti V. Pontificis in VIII. Tomos distributa. Obiit vir sanctus Deo, & hominibus amabilis valde, Anno Domini MCCLXXIV. Mense Julio die XV. quæ erat Dominica, sub auroram, in Concilio Lugdunensi, ut in ipso Concilio legitur.

Card. Robertus Bellarminus à Societate Jesu in *Scriptoribus Ecclesiasticis* pag. 212. & 214. Romæ MDCXIII. ex Typographia Bartholomæi Zannetti.



IN OMNIBUS BIBLIOTHECIS

NUM. 27

ANNO 1714

Equiti præstantissimo

VINCENTIO AMBROSIO GALDIO

Waldorum, & Belfortiensium Comiti, Rhegino, &
 Altamurensi Patricio &c., Neapolitani Regii Fiscii
 Terræ Sanctæ Patrono, & Sebethiæ Regalis
 Arcadiæ Principi.

JOAN. JOSEPHUS PAULOVICH LUCICH

S. P. D.

Cum ad me compluribus istino redeuntibus perlatum
 sit, tersis meum Pataneticum Sermone publicis
 typis mandari, opera pretium procul omni dubita-
 tionis alca fore putavi, ut si tuo præstantissimo inscri-
 beretur NOMINI, & majorem sibi compararet gra-
 tiam, & valentior ad invidiæ vim propellendam, &
 ad illius insidias vitandas continuè evaderes. Equidem
 hoc meo, qualecunque illud est, Opusculo id mihi la-
 boris sumpsi, ut Seraphicum Doctorem Divum BONA-
 VENTURAM studiosæ Juventutis Regularis Cleri, ac
 secularis instar proponerem, & omnium Virtutum, ac
 præsertim sacræ Sapientiæ dignissimum admirationis, ne-
 dum imitationis exemplar præ cunctorum oculis exhibe-
 rem. Quare te oro, obtestorque, PRINCEPS sapientis-
 sime, ut libenti animo quodcumque meum hoc munuscu-
 lum excipias, tuæque sub fide receptum tueare, tuæque
 qua maxime affulges Doctrinæ, atque incomparabili qua
 exornaris pietate, dulcissimæque morum qua adamaris,
 jucunditate, sacrum teclum à cunctis obsecratorum ve-
 nientis jaculis conserves. Non quidem certè sum nescius,
 aliquem omisere posse, qui id mihi maximè vetat au-
 daciæ, quod VIRO tam amplo, tantisque meritis ornato,
 donum hoc parvi momenti offerre ausim; verum etiam
 perbelle scio, gratum animum, beneficiorumque memo-
 ram,

4
 vem, quam splendidiora munera, pluris à te haberi. Ad-
 de etiam quod meum animum omni tempore perspectum
 habueris, meamque, qua te semper sum prosecutus, be-
 nevolentiam, diligentiam, reverentiamque etiam cogno-
 veris. Ineptus verd sanè homo haberet, si & tui animi
 dores, eximiasque virtutes laudibus extollete coner meis,
 dum toto Terrarum Orbe dignoscuntur, omniumque men-
 ses suomet fulgore perculerint. Ecquid enim in divinis
 cunctis, humanisque rebus tuam, PRINCEPS huma-
 nissime, Scientiam, Tullianamque eloquentiam memorem?
 Ecquid magni tui ingenii partus percerneam? Ecquid
 tuas illas de Jure publico perbelle, sapienterque con-
 cinnatas Orationes extollam? Ecquid perdulces, subli-
 mesque tuas poeticas collaudem elucubrationes? Hec qui-
 dem omnia tantum sibi splendoris peperere, ut meis non
 indigeant laudibus. Illud unum tuum proferam Opus,
 quod SCIENTIA SCIENTIARUM inscribitur, quo
 non modo Catholica Religionis veritatem magis magisque
 æterna in basi posuisti, sed etiam spicula cruentissima
 Impiorum omnium confregisti. Et tuis igitur moribus,
 & tuis immortalibus plane Operibus, cuncta volitas per
 ora Virum, ac magnam fulgidamque sedem inter doctior,
 piosque homines tibi comparasti. Tu Orthodoxæ Fidei,
 Regiæque Majestatis præclarus exististi vindex, ac pa-
 tronus, quo non alter melior, accommodatiorque, ut &
 plurimorum recordium frænates licentiam, ac ad melio-
 rem frugem illorum reduceres aberrantem animum. Quæ
 cum ita se habeant, valde gratulor tecum, intimoque
 cordis sensu gaudeo. Cura interim, ut te Litterarum
 bono incolumem serves, meumque hoc Opusculum a te
 defensum cures; scitoque me nec unquam tuorum benefi-
 ciorum immemorem fore, meque ut adhuc fui, semper
 tibi fore addictissimum. Vale.

Dat. Macarschæ die III. Octobris Ann. MDCCCL.

5

SERMO PARÆNETICUS.

Inspice , & fac secundum exemplar , quod tibi in monte monstratum est. Exodi XXV. 40.

Vobis hodie , lectissimi Adolescentes , vobis , inquam , hæc verba salutis mittit Dominus ex alto : *Inspice , & fac secundum exemplar ; quod tibi in monte monstratum est .* Olim Deus mandaverat Moysi servo suo , ut sibi arcam , tabernaculum , & candelabrum cum cæteris vasis , suæque supellectile faceret : cumque quadraginta dierum spatio , quo in monte Sina diversatus est , cuncta facienda viva Dei voce descripta fuissent , ideam singulorum sensibili forma divinitus traditam simul intueri Moysi licuit , atque hæc ipsa verba audire : *Inspice , & fac secundum exemplar , quod tibi in monte monstratum est ,* ut videlicet quæ Dei præcepta clarius aure audierat , ea in typo intuita facilius opere compleret : Quod semel a Moyse in figura , hoc ab unoquoque vestrum nunc exquirat Dominus seipsa . Moyses sonat attractus , seu sublatus de aquis , Et vos quidem vocatione sancta Dei attracti de mundo , suolatique de aquis vehementibus tumescentis Sæculi nequam , plantati fuistis sicut oliva fructifera in domo Domini , inductique in montem sanctificationis , arcæ , tabernaculi , candelabrique spirituales , in vobis ipsis substructionem excitandam tunc potissimum spopondistis , cum Dominum velut partem hereditatis vestræ in conspectu Ecclesiæ Christi inclamastis . Itaque sancti virtute , justificationem , quam cæpistis tenere , ne deseratis , quinimo in vobis metipsis perficite sanctificationem in timore Dei . Verum ut in semitis Domini magis magisque vosmetipsos impetere possitis , Ductorem pariter , ac Doctorem hodie in omnium vestrum oculis ponere constitui , ut nimirum imitanda ipsius vestigia persequentes , recte factorum ,

6
& sapientiæ formam tanti Viri obtineatis. Ne autem diutius vos suspensos teneam de speculo, in quo vos ipsos sedula quidem frequentia considerare exopto, sanctimoniæ simul, & sapientiæ prototypum vobis in Seraphico Doctore Divo Bonaventura exhibeo. Præclare olim de eo effatus est Joannes Gersonius inquit, quod erat lœterna ardens, & lucens: Sed vos, præstantissimi Adolescentes, hodierna die brevi quodam intuitu in eo multo majora contemplabimini. Dum ergo in Bonaventura sanctissimo mysticam Moysis arcam exitisse comperietis, quid superest, nisi ut ab initio proposita sacræ Scripturæ verba quasi vobis divinitus dicta repetatis: *Inspice, & fac secundum exemplar, quod tibi in monte monstratum est?*

Ingredimini, electi Ecclesiæ filii, ingredimini spiritu mentis vestræ in atrium sanctum sermonis Domini, & videte qualiter sanctissimus Ductor, & Doctor vester Bonaventura arca Dei fuerit, ut eam in corde Bonaventuræ perhelle constructam, eique simillimam in vobismetipsis exædificetis. Propitius sit mihi Dominus, visitetque me in salutari suo, ut recti, verique annuntiator ad vos missus, tanto argumento digna de sacro Scripturarum thesauro depromam, vosque Seraphici Bonaventuræ bonos æmulatores, Deo adjuvante, efficiam. Probe nostis, quia divinum Exodi Librum, ut arbitror, legistis, arcam de lignis Setim auro obductis compactam, auro pariter intus & foris desuratam, corona, ac quatuor aureis circulis, & vectibus instructam, propitiatorio cum duobus Cherubim desuper contextam, solas Decalogi tabulas continuisse. Arca ex Sanctorum Patrum Gregorii Magni, & Cyrilli sententia Christum ipsum præsignat: de cujus quidem plenitudine cum Seraphicus Doctor abundanter acceperit, numquid non Christi gratia plenus, arcam, scilicet Christum in se reipsa habuerit? Adeo erat Bonaventura noster in amore, & deliciis Christo, ut non satis habuerit.

Je-

Jesus in eo per inhabitantem Spiritum suum sanctum manere, sed reali sua ipsius assidua præsentia tunc potissimum dignum declaravit, cum quadam die celebrationi Missæ adstantis in os castissimum sub Eucharisticis speciebus mirabiliter involavit. Arca etiam, teste Divo Gregorio, sacerdotale cor significat: quæ ideo de lignis Setim auro obductis compacta, intus forisque deaurata erat, quia Bonaventuræ anima, tamquam vivum Dei templum intrinsecus, & extrinsecus eximia in Deum, & proximum charitate fervebat. Et sicut imputribilia ligna Setim, ut ait Doctor maximus Hieronymus, incredibilis magnitudinis, fortitudinis, pulchritudinis, & lævitatæ raritate pollebant; ita cor purissimum Bonaventuræ, Dei & proximi flagrans amore, vere de ligno Setim auro obductum, Moysis arcam mirifice expressit: nihil enim in ejus vitæ gestis recurrit, quod velut quidam congestus, & accensus ignis non exurat. Hinc quia in charitatis schola didicerat quotidie in dilectione proficere, propterea Seraphicis ardoribus in toto vitæ cursu noverat magis magisque exundare. Dum ergo Bonaventuram Seraphici Doctoris titulo antonomasticè exornatum omnes ubique prædicant, quid, nisi præcellentem ipsius in Deum, & proximum charitatem laudant? Bene autem & corona arcæ superposita Seraphico Bonaventuræ congruit, quia de mundo, de diabolo, de carne, deque seipso mysticus Rex, & Sacerdos viriliter triumphavit. Annulli vero & vestes arcæ sicut dona Spiritus sancti designant, ita cor flagrantissimum Bonaventuræ incredibili mobilitate, & agilitate ad omne bonum præditum in anima sancta sua habitaculum Spiritus Sancti indesinenter fuisse probat. Aurei quatuor annuli arcæ expriment quatuor dona, quæ ad intellectum pertinent, videlicet sapientiam, intellectum, scientiam, & consilium. Duo autem vestes reliqua tria dona representant, quæ sunt pietas, timor, & fortitudo, quibus voluntas in actibus suis perficitur, &

roboratur. Vectes annulis arcæ inserebantur, quia anima Spiritus Sancti donis repleta parum, vel nihil solo intellectus motu, & illuminatione proficit, nisi ipsa voluntate moveatur. Quæ quidem dona Sancti Spiritus numquid Bonaventuræ nostro deesse poterant, qui ejusdem Spiritus Dei fructibus redundabat? *Fructus autem Spiritus*, ut ait Apostolus, *est caritas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas*. Sicut igitur lucis radii ex sole oriuntur, & sicut ex arbore rami procedunt; ita ex donis fructus Sancti Spiritus promanant. Fusiora vitæ Seraphici Doctoris acta testantur, omnes omnino divini Spiritus fructus in Bonaventuræ sanctissimi cor illapsos, in seraphicis ipsius moribus superno sane virtutum fulgore se prodidisse. Nonne Bonaventura noster insigni modestia præluxisse dicendus est, præsertim cum Archiepiscopatum Eboresensem in Britannia sibi ultro a Clemente IV. oblatum invictæ animi fortitudine recusaverit, affirmans se tanto dignitatis fastigio prorsus indignum? De ipsius vero in regendo comitate, & lenitate quid dicam? In more positum habebat benignitate vere paternam ab Seraphici sui instituti semita aberrantes excipere, cum in se reversi proprios errores, & infirmitatem novarent humili confessione expiare. Etiam eos, qui monachum exuti, suum deseruerant Ordinem, si vera pœnitundine ducerentur, clemens piusque in gratiam recipiebat. Satis demum sit illud unum ex ejus vitæ fastis depromere, quod Petrus Tarantasia Cardinalis & Episcopus Ostiensis, qui postea Summus Pontifex creatus, sese Innocentium V. nominavit, Bonaventuram nostrum funebri oratione laudans, inter alia, quæ in tanti Viri laudem recensuit, hoc potissimum in eo fuisse ostendit, quod Seraphicus tanta benignitate, comitate, modestia, lenitate, aliarumque virtutum decore præstiterit, ut omnes suo sibi demeruerit aspectu, omnesque idcirco ei cess-

9
cesserint, monitisque ejus volentes, libentesque semper obtemperaverint. Neque rem memoratu dignam puto hic loci prætereundam. Refert doctissimus vir Petrus Galesinus factum, quo satis patet, quantæ Doctor Seraphicus ob insignes animi virtutes in Ecclesia Dei, dum vivebat, fuerit opinionis, & auctoritatis. Ait ergo, mortuo Clemente IV., Pontificiam Cathedram tribus annis vacasse, quod septem decemque Cardinales Viterbii ad eligendum novum Pontificem congregati votis discreparent; denique eos rem totam Bonaventuræ solius arbitrio reliquisse, sic ut ipse quemcunque hæc dignitate dignum judicasset, quamvis etiam de se ipso idipsum sentisset, ab omnibus acceptus confirmaretur; additque adeo candide sincereque egisse, ut omissis privatis quibuscumque affectibus, postpositaque omni personarum acceptione, atque præsentium Cardinalium respectibus, quibus excæcari poterat, elegisse Theobaldum Vicecomitem Placentinum, & Archidiaconum Lessanum, virum religiosissimum, celeberrimumque, atque tunc temporis absentem, qui confirmatus in suprema sibi collata dignitate, sese Gregorium X. appellavit.

Jam vero Bonaventuram nostrum arcæ similitudinem in se magis magisque exprimentem, Sanctique Spiritus donis repletum uberius demonstraturus, dum in eo splendidissimum sapientiæ donum extitisse perspexeritis, ne unum quidem ex septem Spiritus Sancti donis ei defuisse mecum affirmabitis. Septem dona Sancti Spiritus non secus ac scalam quamdam ex septem gradibus efformatam, atque e Cælis ad nos usque divinitus demissam, quæso, cogitate. Hanc nobis simul cum sanctificante gratia per habitualia Spiritus Sancti dona divina porrigit clementia, ut nimirum a virtutibus, quibus docemur recte operari, ad eadem dona pervenientes, expedito rapidoque cursu perficiamus viam salutis, quam ut gigantes exultantes aggredi debemus ad percurrendum in

eo,

co, qui se dicit esse viam, veritatem, & vitam nostram. Pingite itaque animo, vos hanc scalam mentis oculis intueri, velut illam, quam Jacob in somniis vidit, stantem videlicet super terram, & cacumine suo Cælum tangentem. Si gradus septem ab summitate, quæ Cælos tangit, recensendos suscipitis, a primo sapientiæ gradu ad septimum timoris Domini gradatim vos oportet descendere: si vero ab imo ad summum scalæ conscendere vultis, opus est, ut a gradu timoris Domini ad septimum, qui sapientiæ est, properetis. Atque hæc cunctis a terrenis ad cælestia tendentibus via amplectenda suadet, ut incipientes ascendere ab infimo gradu timoris Domini, usque ad supremum sapientiæ donum perveniamus. Qui ergo ad septimum scalæ gradum, nempe sapientiæ donum conscendisse deprehensus fuerit, illum procul dubio ceteros inferiores donorum gradus singillatim pertransiisse oportuit.

Porro hunc viæ cursum etiam Ponaventura noster tenuit, qui de uno ad alium donorum Spiritus Sancti gradum proficiens, supremum tandem sapientiæ comprehendit. Qua ratione autem Doctor sanctissimus ad sapientiæ donum pervenerit, audite. Optime noverat stabile fundamentum, seu veræ sapientiæ initium esse timorem Domini. Quia ergo didicerat casto timore Deum indesinenter timere, ideo de timore ad pietatem, de pietate ad scientiam, de scientia ad fortitudinem, de fortitudine ad consilium, de consilio ad intellectum, de intellectu ad sapientiam proficiens meruit pervenire. Felix quidem hæc ei sors præsertim obtigit, quia multa sedulitate cor suum ab terrenis affectibus repurgavit. Hinc sacro, novi Testamenti iure filius adoptionis Christi effectus, conturbèrpio divinæ sapientiæ dignus evasit: cum castissime, suavissimeque amplexatus, ex mysticis ipsius uberibus plus sibi mellis & lactis auxit, quam postea præcellentissimis suis scriptis

nobis eructavit. Verum sermonē per humum repente quis unquam amplitudinem sapientiæ in corde suo reconditam verbis exæquabit? Profecto palpitant acies oculorum meorum, non secus ac cum solem intueor, dum splendidissimum tantæ sapientiæ Sidus vel ipsa cogitatione aspicere cogor. Adeptus namque ex divinæ gratiæ prærogativa arcanum illum per unionem voluntatis cum Deo complexum, intellectum habuit ita voluntatis inhærentis sensu edoctum, ut hac animæ facultate altius potuit divina percipere, quam ea ipsomet intellectu contemplari. Bonaventura ergo noster quantus impræsentiarum obtutibus nostris observatur, totus, velut aurum ignitum splendore, superna sapientia renidet. Hinc optime assimilatur Propitiatorio cum duobus Cherubim (quos Patres subinde Seraphim vocant), quia sicut Cherubim sapientiæ symbolum, Propitiatorium vero Dei oraculum repræsentat; ita Bonaventura sanctissimus divinæ sapientiæ dono cummulatus, Propitiatorii, & Cherubim arcæ nomen mirifice portat. Nonne Doctor noster, quot nobis Cherubica simul, ac Seraphica scripta reliquit, tot divinæ sapientiæ oracula fudit? In cuius seraphico pectore quia spiritalis doctrina vixit, procul dubio testificatio velut in arca jacuit.

De cuius quidem ingenti sapientiæ dono quid senserint eruditi, summique viri, breviter commemorare placet. Atque ut ad vos ipsos in amore sapientiæ plusquam vehementissime inflammandos, ex inimicis etiam, & de manu omnium, qui oderunt veritatem, liceat exquirere; nos Bonaventuræ sapientiam ipso sacrilego unius Lutheri ore vobis impræmis prædicamus. Etenim supernum sapientiæ donum, quod in eximiis Bonaventuræ operibus refulget, perpendens Lutherus, frequenter eum *Virum præstantissimum* vocitabat. Verum nebulonum istiusmodi laudes Bonaventuræ nostræ datas ad laudatores ipsos lubenter amandamus: non enim blâteronum

gar-

garrulitate indigemus, qui in texendis hodiernis laudibus præstantissimorum, gravissimorumque virorum centenis testimoniis abundamus. Ergo ducamus initium a piissimo Petro Ribadeneira, qui de Bonaventuræ operibus cælesti sapientia refertis sic eloquitur: *Doctrina S. Bonaventura neque sicca, neque frigida est, sic ut intellectum tantummodo pascat, sed vivi plena succi, flamma, & accendendis amore divino cordibus idonea. Hinc non immerito dictus est Doctor Seraphicus: Seraphim namque atque, & inflammant. Etiam eruditissimus Joannes Gersonius de Sancti Bonaventuræ sapientissimis scriptis disserens ait: Nulla sublimior, nulla diviniore, nulla salubrior, atque suavior pro Theologis sit doctrina, Et alibi dicit: Sint alii Doctores, qui dicantur Cherubici, hic autem verissimo nomine Seraphicus simul & Cherubicus, quia inflammat affectum, & erudit intellectum, reducit, & venit ad Deum per amorem. Item alio in loco subdit: Singulariter inter omnes Doctores Catholicos (pate omnium salva), videtur idoneus, & securissimus ad illuminandum intellectum, & inflammandum affectum. Insuper clarissimus Abbas Joannes Trithemius Divo Bonaventura, ejusque sapientiæ sublimitate dignum in hæc verba texuit elogium. Multi, inquit, doctrinam proferunt, devotionem predicant multi, pauci scribendo libros docuerunt utramque. Bonaventura autem & multos superavit, & paucos, dum ejus doctrina devotionem, devotio instruit doctrinam. De Bonaventuræ sapientiæ idem paucioribus quidem, sed fortioribus sane verbis confirmat Papa Sixtus IV. in pontificio suo diplomate, quo eum Sanctorum syllabo accensuit. Idem testimonium Seraphico Doctori nostro reddidit etiam Sixtus Pontifex Maximus hujusce nominis Quintus hisce ipsissimis verbis: Fuit in S. Bonaventura id præcipuum, & singulare, ut non solum argumentandi subtilitate, docendi facilitate, definiendi solertia præstaret; sed divina quadam animos per-*

permovendi vi excelleret. Sic enim scribendo cum summa eruditione parem pietatis ardorem conjungit, ut lectorem docendo moveat, & in intimos animi recessus illabatur, ac denique seraphicis quibusdam aculeis cor compugnat, & mira devotionis dulcedine perfundat. Quam sane gratiam in ejus ore, & calamo diffusam mirans prædecessor noster Sixtus IV. Pontifex, illud dicere non dubitavit: Spiritum Sanctum in eo locutum videri. Hinc est ergo, quod qui ab inhabitante Sancto Spiritu arca sapientiæ effectus erat, dum viveret, mortuus pariter divinitus induisse visus est incorruptionem in capite, & in corde, idque ex eo potissimum, quod sapientiæ dono tum arserit in corde, tum luxerit in capite. Sane res admiranda, si recte perpendatur, fuit, nec sine magni significatione mysterii esse potuit, ut sexaginta scilicet centumque annis ab ejus obitu repertum fuerit ejus sacrum Caput adhuc pilosum, lingua, labris, dentibusque prorsus integris, non secus ac si spiraret, & viveret, visumque præcipue cor ipsius adeo incorruptum, ut nihil omnino tabis, nihil labis exhiberet.

Atque hæc, Adolescentes lectissimi, in Seraphici Ductoris, Doctiorisque nostri sanctissimi laudem, & ad vestram doctrinam hodierna die qualitercumque dixisse sufficiat, ac singillatim unicuique vestrum jam proposita sacri Textus verba iterare: *inspice*, & *fac secundum exemplar*, quod tibi in monte monstratum est. Desideratisne desiderio ad instar Bonaventuræ sanctissimi arca sanctificationis, & sapientiæ fieri? In sanctitate, & justitia servite Domino Deo vestro soli omnibus diebus vestris: servate mandata, & testimonia Domini. Fideles in minimis, ite de virtute in virtutem quotidie; & implemini Spiritu Sancto, qui docebit vos omnem veritatem, si mundi eritis ab omni inquinamento carnis, & spiritus. Tamquam a facie colubri fugite peccatum: quia sapientia non habitat in corpore subdito peccatis.

sis. Bonaventuræ nostri angelicæ vitæ innocentiam imitamini, in quo ex celeberrimi Alexandri Alensis sæpe sæpius repetito effatu, Adam peccasse non videbatur. Invocate, & veniet in vos Spiritus sapientiæ. Sapientiam postulate a Deo, qui dat omnibus affluenter, & non impropèrat, & dabitur vobis.

Quod si de libro solliciti, quæsieritis, quis ille sit, qui vos aqua sapientiæ salutaris potabit? attendite. Utebantur olim familiariter invicem secum Seraphicus Doctor Bonaventura, & Angelicus Doctor S. Thomas. Hic itaque semel conclavè sancti Bonaventuræ ingressus, expetit ab eo sibi exhiberi libros, quos identidem Sanctus Bonaventura in studiorum suorum adiutorium adhibebat. Confestim vir sanctus exhibuit ei pauculos aliquot, quos habebat in promptu. Verum Sanctus Thomas rursus institit, ursitque, rariores sibi illos codices, magisque secretos prodi, è quibus tam grandia, tamque sublimia sapientiæ dogmata eruebat. Tum enim vero Bonaventura noster Christi Crucifixi imaginem ex adverso positam Sancto Thomæ ostendit, dixitque: *Ecce, Pater, librum, qui mihi cuncta, quæ scribo, suppeditat. In hujusce Crucifixi plantis, & Missarum Sacrificiis, quibus deservio, majus ego lumen haurio, quam reliquis omnibus litterarum exercitiis. Forsitan hic omnium librorum Liber convolutus cuiquam videri primo intuitu poterit; quem quidem si terret horror aperire Librum hunc signatum sigillis quinque sacratissimorum vulnerum, & videre illum non scriptum literis, sed sanguine conspersum, habeat saltem in manibus nostri Seraphici Ductoris, & Doctoris opera: de quibus assidue studioseque voluntandis extat pulcherrimum Joannis Trithemii hoc ipsissimum monitum. Si ergo, ait, & doctus vis esse, & devotus, illius (scilicet Bonaventuræ) opusculis esto intentus. Præ cæteris, Adolescentes præ-*

stan-

stantissimi, nocturna diurnaquæ versate manu ipsius auream Opellam, quæ *Dieta salutis* inscribitur: ea enim satis valida ad pietatem incitamenta ministrat, docetque qua ratione oportet declinare a malo, & facere bonum. Etiam ipsius *Breviloquium*, & *Itinerarium* frequenti meditatione percurrite: nam hæc duo Seraphici Doctoris Opuscula tanta sunt arte compendii divinitus composita, ut supra ipsa nihil. Primum quidem hominem ducit ad cognoscendum Deum, indeque deducit ad alias veritates sub Deo ipso creditas, & habitas. Aliud contra progreditur a creaturis ad Creatorem, lectoremque piū evehit ad anagogicos utque excessus; & hic merito appellatur Christianorum omnium Theologicus Tractatus. Quicumque horum librorum lectioni assuetus fuerit, ad aspectum Libri librorum amplius minime pavebit, bene vere exultatione exultabit inquam cum Paulo: *Non enim judicavi me scire aliquid inter vos, nisi Jesum Christum, & hunc Crucifixum.*

Librum ad hauriendam sapientiam accepistis: nunc tandem discendi formulam ex ipso divino Sapientiæ Libro recipite in hæc verba: *Da mihi, Domine, sedulum tuarum assistricem sapientiam, ut mecum sit, & mecum laboret, ut sciam quid acceptum sit coram te omni tempore.* Memoria vitæ, & sapientiæ Doctoris & Doctoris Seraphici Bonaventuræ nostri sanctissimi nunquam vobis excidat, semperque resonent in auribus vestris, velut melliflua Bonaventuræ ore prolata vobis, verba illa: *Inspice & fac secundum exemplar, quod tibi in monte monstratum est.* De cætero, Adolescentes spectatissimi, quæcumque sunt vera, quæcumque pudica, quæcumque justa, quæcumque sancta, quæcumque amabilia, quæcumque bonæ famæ, si qua virtus, si qua laus disciplinæ, hæc cogitate, atque in his toti estote. Quæ & didicistis, & accepistis, & audistis, & vidistis in Sera-

16
Seraphico Ductore, & Doctore vestro, hæc agite,
& virtus Altissimi obumbrabit vos, & Spiritus San-
ctus cum omnibus donis, & præcipue cum dono
sapientiæ, erit in vobis, ut maneat vobiscum in
æternum.

F I N I S.

